

Quantu si duci, quantu si bedda

Quantu si duci quantu si bedda
sì cosa di dàriti 'na vasatedda,
'nta 'sta terra si 'n'amuri di focu ardenti
mentri 'ncelu sì 'na stidda bianca lucenti.

Si la luci di un celu accupusu
si 'na perla di un mari undusu,
li to labbruzza su dù petali di rosa
beatu cu ti vasa 'sta vuccuzza generosa.

'Sti ucchiuzzi niuri e brillanti
mi dicinu tanti cosi 'mpurtanti
ti li vasassi cu ardiri e passioni
dànnuti amuri, gioia e emozioni.

Bedda, ca di li beddi si la cchiù bedda
si 'na gioia, si prizziusa, si nicaredda
quannu grapi l'occhi tuttu 'ntornu è luci
sì comu lu meli 'nzucaratu e duci.

'Sti cinqu strofi su dedicati a tia bedda mia
sulu accussì pozzu carmari la me fantasia
t'haiu voluto sempri tantu beni veramenti
si grapu lu cori ci si tu, ma nun ti dicu nenti.

2017 Giuseppe Cardella